

Na osnovu Zakona o visokom obrazovanju Tuzlanskog kantona („Službene novine Tuzlanskog kantona“, broj: 7/16, 10/16, 5/17, 15/17, 15/19, 09/20, 17/21, 21/21, 22/21, 5/22 i 11/22), Statuta Visoke škole za savremeno poslovanje, informacione tehnologije i tržišne komunikacije "Internacionalna poslovno-informaciona akademija" Tuzla i Dopisa Odbora za osiguranje kvaliteta i provođenju postupka samoevaluacije od 03.08.2023. godine, Senat privatne visokoškolske ustanove Visoka škola za savremeno poslovanje, informacione tehnologije i tržišne komunikacije "Internacionalna poslovno-informaciona akademija" Tuzla donosi:

ODLUKU

o izmjenama i dopunama Pravilnika o radu Odbora za osiguranje kvaliteta i provođenju postupka samoevaluacije na Visokoj školi za savremeno poslovanje, informacione tehnologije i tržišne komunikacije „Internacionalna poslovno – informaciona akademija“ Tuzla

Član 1

Donosi se Odluka o izmjenama i dopunama Pravilnika o radu Odbora za osiguranje kvaliteta i provođenju postupka samoevaluacije na Visokoj školi za savremeno poslovanje, informacione tehnologije i tržišne komunikacije „Internacionalna poslovno – informaciona akademija“ Tuzla (u daljem tekstu: Pravilnik).

Član 2

U članu 9 stav 1 iza visokoškolske ustanove se dodaje „i studijskih programa“

Član 3

Član 10 Pravilnika se mijenja i glasi:

U cilju izrade i analize samoevaluacijskog i ostalih izvještaja Odbor će koristiti sljedeće mjerljive indikatore o provođenju sistema kvaliteta na IPI Akademiji:

- prolaznost (procenat prolaznosti po studijskim programima i godinama),
- upis (odnos broja upisanih studenata i broja odobrenih kvota za upis po studijskim programima),
- dostupnost odgovarajuće literature (broj dostupne bibliotečke građe),
- značajnost predmeta za studijski program (percepcija studenata o značajnosti predmeta za studijski program),
- organiziranost nastave (percepcija organiziranosti nastave),
- opremljenost učionica (Količina dostupne opreme i percepcija zadovoljstva studenata dostupnom opremom),
- rad studentske službe (percepcija studenata o kvaliteti rada studentske službe),
- percepcija zadovoljstva zaposlenika uslovima rada na IPI Akademiji,
- percepcija zadovoljstva poslodavaca sa diplomiranim studentima IPI Akademije,
- procenat zaposlenosti diplomiranih studenata IPI Akademije,
- percepcija Alumni studenata o pripremljenosti za tržište rada,
- broj objavljenih naučnih i stručnih publikacija i realiziranih projekata nastavnika IPI Akademije,
- broj učešća na domaćim i međunarodnim naučnim i stručnim konferencijama,
- broj održanih radionica i seminara namijenjenih nastavnom i nenastavnom osoblju IPI Akademije.

Član 4.

Dosadašnji Član 10 postaje član 11 Pravilnika. U novom članu 11 se izraz „na zahtjev Odbora“ mijenja na „zahtjev Voditelja Odbora“, i izraz „imenuje direktor“ mijenja sa „imenuje Senat“

Ostali članovi Pravilnika ostaju nepromjenjivi i pomjeraju se shodno redosljedu.

Član 4

Ova odluka stupa na snagu danom donošenja.

Obrazloženje

Na osnovu preporuka Komisije stručnjaka za akreditaciju, Senat Visoke škole za savremeno poslovanje, informacione tehnologije i tržišne komunikacije „Internacionalna poslovno – informaciona akademija“ Tuzla usvojio je Akcioni plan za realizaciju preporuka o akreditaciji Visoke škole „Internacionalna poslovno – informaciona akademija“ Tuzla. Iz pomenutog proizilazi obaveza izmjena i dopuna Pravilnika o radu Odbora za osiguranje kvaliteta i provođenju postupka samoevaluacije na Visokoj školi za savremeno poslovanje, informacione tehnologije i tržišne komunikacije „Internacionalna poslovno – informaciona akademija“ Tuzla.

Dostaviti:

- Arhiva

-Odbor za osiguranje kvaliteta

Broj: 102/2023

Tuzla, 11.08.2023. godine

PREDSJEDNIK SENATA

dr. sc. Danir Bećirović

